

rit metalla imperfecta, & argentum viuum ad perfectorum naturam transformare. Propter quod Ioannes Scotus & multi alij philosophi dicunt, & concedunt esse verum, quod metalla transmutari non possunt quocunque modo vel ingenio, nisi prius reducantur ad suam primam materiam. Prima autem materia omnium metallorum est argentum viuum & sulphur, non quidem in natura sua, sed alterata, id est conuersa in vaporem. Et sic prima materia metallorum est vapor humidus vinctuosus, vtriusque naturam, sc. sulphuris & argenti viui in se continens. Ex his ergo necessario sequitur, quod si per artem potest extrahi huiusmodi vapor vinctuosus ex his rebus in quibus est, & reperitur consimilis illi, qui in mineris terræ generat metalla, poterit confici medicina, quæ simplicia corpora imperfecta, & supra argentum viuum proiecta perducatur in verum & perfectum corpus metallicum longius perfectum omni naturali. Sed sciendum est, quod hæc medicina ex quibusdam facilius & vberius, ex alijs vero difficilius ac imperfectius extrahitur, siue sint ipsa metalla, siue aliæ quælibet res. Sed hoc fieri non potest, nisi tales res prius per putrefactionem corrumpantur, & per debitam decoctionem ac longam digestionem, aliam nobiliorem formam acquirant.

Secundum etiam fundamentum, quo argumentantur contra, non cogit, & ratio nostra est, vt inquit Geber in sua Summa magnæ perfectionis Cap. XI. in quo pertractat confutationem rationum, artem simpliciter negantium, & est; quoniã aduersario in suo arguendi modo non cadit necessitas, quo quis ad pauca respiciens, coartatur credere hæc non esse veram: quia à simili, vel à maiori ad minus, suam corroborat phantasiã & errorẽ, in quibus non continetur necessitas, sed tantum contingentia vt in pluribus. Amplius, certum est nostris temporibus, quod paucissimi reperiuntur philosophi, qui secreta naturæ cognoscant, imo illa quærere & cognoscere negligunt. Et ideo debitis operationibus res imperfectas meliorare & perficere nesciunt: & plerumque ignorant aptas ab ineptis, propinquas à remotis discernere. Et propter hoc multi deuiant & delipiunt. Veteres autẽ philosophi altioris erant ingenij, & in operando studiosiores. Nã, vt ait Ludouicus Lazarelli: Philosophi propter cognoscenda profunda secreta naturæ, ausi sunt aliquoties antra

prima metallo  
rum materia

AB

Solutio secundæ  
argti.

veteres Philo-  
sophi ingeniosiores.